

From:
To: panel_ps@legco.gov.hk
Date: Monday, January 13, 2014 02:47PM
Subject: 非公務員合約僱員

致 立法會公務員及資助機構員工事務委員會全體委員

你好! 就是次會議部份第 IV 項有關"公務員事務局局長就 2014 年施政報告中有關公務員事務局的施政措施作簡報" 較早前本人以電郵方式致函予行政長官, 現正等候回覆, 亦預期不會有任何結果。鑑於平舖直述的意見只會令會議氣氛沉悶, 有見及此, 現一反傳統, 寫出一首類似"打油詩"贈予政府當局, 反映非公務員合約僱員的情況, 如果可以的話, 希望閣下能夠抽出寶貴的會議時間在局方面朗讀, 或只供閣下參閱, 甚至可以不用理會, 萬二分致謝!

敬祝 安好

非公務員合約工
一聽就知正苦工
薪金差距大個窿
福利差過班長工
待遇仲少過傭工
不同報酬但同工
唔講唔知係好工
佢地返足一日工
等於我地三日工
點解上天咁不公
如此對待簽約工
政府真係無陰工
屋企個個要開工
皆因我地窮到濃
逼於無奈要返工
若然返少半日工
就要接定大信封
傷埋兩隻腳指公
咁就可以收得工
以後唔駛再返工
任你如何再發功
點都唔會搵到工
發夢見到姜太公
釣親都係石九公
日日沙田搵車公

祈求搵到份好工
就算安埋個關公
見你終日唔搵工
永遠唔會有成功
阿公問我返乜工
我話政府合約工
佢話唔好唔返工
合約工都算係工
而家潮流興短工
唔會再有長命工
所以你班合約工
註定無得去見工
唔駛旨意轉長工
無得霸王硬上弓
當年邊有合約工
人人都有份長工
政府為左慳人工
攞到個個變奴工
我地呢班合約工
到左年尾要搵工
如果搵唔到新工
一日三餐冬蔭功
然後返去練武功
等待少林寺招工
當局唔理合約工
局長聽完搵周公
闊佬懶理唔開工
訓醒第日照返工
好多臨時合約工
一做做左十年工
仆心仆命為份工
你話係咪好陰工
點知政府請長工
以為可以加人工
原來唔招合約工
唯有做返呢份工
當年曾特首返工
就要做好呢份工
雖然都係臨時工
但係就好高人工

C.Y.一接左份工
做得好既記大功
比人鬧完要鞠躬
施政報告要趕工
星期三前要完工
所以特首呢份工
唔好以為係筍工
私人公司度打工
一到年尾有雙工
好彩仲有三倍工
仲好打過皇帝工
其實我地唔貪功
一心想做平凡工
馮止唔會去邀功
合約工與政府工
查實都係一份工
大家努力地做工
但係點解要分工
就係唔同既人工
不如我搵你老公
大談政府三不公
其實政府好多工
長工散工合約工
外判加埋臨時工
直頭勁過私家工
隨時叫你去返工
可以改名叫特工
果然巧奪係天工
咁都諗到咁多工
確實鬼斧係神工
引晒你地去返工
當局講明政府工
截然不同合約工
即係分開唔同工
但要做同一份工
如欲轉去做長工
就要申請再搵工
大家一齊去見工
爭到聽日去返工
爭唔到就要收工

部門做野好秉公
唔知邊鬼個衰公
篩選準則要大公
就係因為少員工
屋宇署都要罷工
食飯時間停晒工
郵政署有幾千工
廿年熟手老員工
盼望政府轉長工
等到變晒老公公
衛署舖路外判工
人無三急為份工
請日病假當抗工
社署入面班員工
本應助人食阿公
署方突然縮骨功
合約工變無份工
卒之變埋綜援公
唔該政府請招供
total 請左幾多工
由於合約非正工
好多勁人辭左工
一個人做十個工
十個人做百份工
個個都係萬能工
遲早個個去轉工
仲搵邊個去接工
唔好話我成日工
現時需求大過供
政府快快請長工
逐步減少外判工
順手延遲退休工
樓價抄到無得供
買個飯煲都要供
強積金貴又去供
碌卡爆左借亞公
破左產就唔駛供
供供供呀供供供
高通脹仲低人工
跪求政府加人工

希望當局快開工
加速檢討呢份工
倘若合約轉長工
咁就變左份好工
日日同你返足工
我會豎起手指公
心情真係好輕鬆
趁有時間嗡嗡
齊來扮下小蜜蜂
政府大樓似皇宮
我地仍要住山窿
又唔夠錢轉 **i-Phone**
唯有去食西北風
最近無錢過寒冬
蒸條魚都唔放蔥
豬骨湯又點有 **bone**
廁所塞左唔暢通
究竟塞左乜東東
原來有野在其中
尋日撞到三叔公
佢話佢件衫穿窿
我話趕住去搵工
唔想聽佢發嗡嗡
佢話政府合約工
只係用黎 **DUM** 波鐘
唔夠錢去買檸檬
有 **D** 仲要無飯鐘
有錢不如買 **Dow Jones**
保本可以買匯豐
乜都無就搵濟公
抄股唔好抄到濃
總之唔好四圍 **loan**
讀緊書既聽我嗡嗡
又要變做小蜜蜂
小時讀書要用功
溫到暈要鬆一鬆
肚餓食件雪糕 **cone**
茄蛋治配火腿通
再黎泰式扎肉檬
臨到考試食條蔥

八里明有一里通
唔好咁快去搵工
讀埋大學至正宗
見到政府合約工
即刻走去安全 **zone**
搵工要搵有飯鐘
如果真係要見工
唔識都要扮死充
個頭唔好四圍中
隻腳可以兩頭 **own**
擘大口勿得個窿
考官比分会好鬆
咁就考到政府工
食野要食 **abalone**
山窿改裝變龍官
London Bridge is falling down